

9 აპრილის ტრაგედიიდან 32 წელი გავიდა

09 აპრილი 2021

შიდა ქართლის სახელმწიფო რწმუნებულმა მამუკა სალარიშვილმა ადგილობრივი თვითმმართველობის წარმომადგენლებთან ერთად გორში, 9 აპრილის მემორიალი ყვავილებით შეამკო და დალუპულთა ხსოვნას პატივი მიაგო. ასევე, გორისა და ატენის მიტროპოლიტმა მეუფე ანდრიამ დალუპულთა სულის მოსახსენიებელი პანაშვიდი გადაიხადა.

„9 აპრილი ჩვენი ქვეყნის ისტორიის ტრაგიკული თარიღია, ამავდროულად კი ეს არის დამოუკიდებლობის, ერთიანობისა და გაუტეხელობის დღე. 9 აპრილის გმირებმა მოგვცეს მაგალითი, თუ როგორ უნდა გვიყვარდეს სამშობლო და როგორ არ უნდა გადავუხვიოთ დასახულ მიზანს. ქედს ვიხრი მათი ხსოვნის წინაშე. თავისუფლებისთვის ბრძოლამ შედეგი გამოიღო და დღეს საქართველო დამოუკიდებელი სახელმწიფოა. ჩვენ კი დაუღალავი შრომითა და ერთიანობით უნდა შევქმნათ ძლიერი და წარმატებული ქვეყანა.“ - აღნიშნა მამუკა სალარიშვილმა.

32 წლის წინ, საბჭოთა არმიამ თბილისში, რუსთაველის გამზირზე საქართველოს დამოუკიდებლობის მოთხოვნით შეკრებილი მშვიდობიანი დემონსტრანტები სასანგრე ნიჩბების, ხელკეტებისა და გაზის გამოყენებით დაარბია. დაიღუპა 21 და დაშავდა მიტინგზე მყოფი ასობით მოქალაქე. 1991 წლის 31 მარტის რეფერენდუმის შედეგებზე დაყრდნობით კი 9 აპრილი საქართველოს დამოუკიდებლობის აღდგენის დღედ გამოაცხადა